

Lajčák nakon požara: Ovog Bajrama naše misli su sa ljudima iz Fazlagića Kule



Visoki predstavnik i specijalni predstavnik EU Miroslav Lajčák danas je razgovarao sa reisu-l-ulemom dr. Mustafom ef. Cerićem kako bi izrazio svoju zabrinutost i žaljenje zbog požara koji je uništio džamiju u selu Fazlagića Kula.

Zbog činjenice da je ovo područje i ranije svjedočilo incidentima koji su vezani za povratak, visoki predstavnik pomno prati razvoj događaja i izvještaje vezane za istragu o sinoćnjem požaru.

“Bajram je za muslimane vrijeme nove nade” rekao je Lajčák. “Sinoćnji požar je težak udarac za ljude u Fazlagića Kuli te su moje misli sa njima”.

Početni izvještaji ukazuju da se radi o nesretnom slučaju, ali puna i temeljita istraga mora se provesti.

Policijci misije EUPM-a su na terenu, a visoki predstavnik/specijalni predstavnik EU je u redovnim kontaktima sa šefom misije EUPM-a Stefanom Fellerom.